

ԱՆԴՐԿՈՎԱԿԱՍԻ ԿԱՌԱՎԱՐՄԱՆ ՀԱՐՑԸ

(1840-ական թվականներ)

ՎԱՆԵՐԻ ԹՈՒՆՑԱՆ

Անդրկովկասը ռուսական կայսրության կազմում ամրապնդելու ուղղությամբ XIX դ. առաջին կեսին ձեռնարկված միջոցառումների թվում կարևոր տեղ են դրավում երկու ակտեր՝ 1840 թ. կառավարման ռեֆորմը և 1845 թ. փոխարքայության ստեղծումը: Կայսրությունում հատուկ վարչական միավորի ստեղծման պատճառների, նպատակների ու ընթացքի հետազոտումը դժարի նշանակություն ունի այդ հեռավոր ժայռամասում ինքնակալության քաղաքականությունը ճիշտ հասկանալու համար:

Ռուսաստանի կազմի մեջ Անդրկովկասի մտնելն առաջադիմական նշանակություն ունեցող իրադարձություն էր, որի շնորհիվ երկրամասի ժողովուրդների կյանքում արմատական բեկում կատարվեց: Ռուսական հասարակության քաղաքակրթության աստիճանը համատեղ զարգացման որոշիչ գործոն դարձավ:

Մարքսիզմ-լենինիզմի կլասիկներն արժեքավոր դիտողություններ են կատարել կառավարման ձևերի մասին և ժողովուրդների հարաբերությունները պայմանավորել են արտադրողական ուժերի, աշխատանքի բաժանման և ապրանքափոխանակության կարգավորվածության զարգացման մակարդակով: Նրանք ընդգծել են, որ պատմության մատերիալիստական ըմբռնումը պահանջում է հալեցակետերն ուսումնասիրել տնտեսական գործոնների հետ սերտ փոխկապակցված, որոնք էլ պայմանավորում են դրանց բնույթը: Վ. Ի. Լենինը ցույց է տվել պատմական դարաշրջաններում կայսերական քաղաքականության բովանդակության տարբերությունը: Նա ընդգծելով կայսրությունները քայքայող հանգամանքները, այդ քաղաքականության էությունը բնութագրել է իբրև չքողարկված հարստացման համակարգ: Վ. Ի. Լենինը մեծ ուշադրություն է դարձրել գաղութ և ծայրամաս հասկացությունների բացահայտմանը և կապիտալիստական հարաբերությունների առաջացման գործում դրանց դերին: Նա նշել է, որ Կովկասի գաղութացման պրոցեսը սկսվել է XIX դ. 80-ական թվականներին¹:

Խնդրո առարկա պրոբլեմը պատմագիտության մեջ տարբեր գնահատականների է արժանացել: Ազնվականական պատմագիտության հիմնական կարծիքն ամփոփված է 1840 թ. վարչական ռեֆորմի հաստատակարգի քննարկման մեջ, բայց առանց դրա դասակարգային նպատակները բացահայտելու²: Կ. Կոմպանսկին եզրակացրել է, որ վերափոխման բովանդակությունը կազմել է անդրկովկասյան ժողովուրդների համար քաղաքացիական կառավարման երկու ձևերի՝ «հատուկ» և «ամուր կարգի» մտցնելը: Նրա կարծիքով ստեղծված ապարատի ծանրաշարժությունը պայմանավորել է ռեֆորմի վերացումը³: Միապետական Մ. ԿորՖր դրույթ է առաջ քաշել երկրամասում կառավարության քաղաքականության՝ «տատանումներին» և «հեղա-

¹ К. Маркс и Ф. Энгельс, Соч., т. 3, с. 19, 20; т. 27, с. 240, 241, 402; т. 37, с. 394; т. 39, с. 82.

² В. И. Ленин, ПСС, т. 3, с. 593—596; т. 16, с. 224; т. 30, с. 166; т. 32, с. 277.

³ «Исторический очерк распространения и устройства русского владычества под Кавказом и в Закавказье», СПб., 1851, с. 83.

⁴ «Кавказский календарь», Тифлис, 1867, с. 393, 394, 397.

շրջումներին» ենթարկվածության մասին՝ համաձայն կառավարիչների տեսակետների: Նա իշխանության վերակառուցման թերությունների պատասխանատվությունը վերցրել է իշխանության բարձրագույն խավի վրայից և այն դրել առանձին անձնավորությունների վրա⁵: Վ. Իվանենկոն հաստատակարգի մեջ միայն կառավարման «խախտաբեկություն» վերացման պահանջարկ է տեսել⁶:

Այդ հարցի նկատմամբ հետաքրքրություն են ցույցաբերել նաև բուրժուական պատմաբանները: Գ. Նվանդուկովը «նոր հաստատությունների» կառավարումը համարել է մանրազնին մտածված միջոցառում, որը դժվարությունների է հանդիպել բյուրոկրատիզմի հետևանքով: Ստեղծված մարմինների լիարժեք գործունեությունը նա կապում է Կովկասի փոխարքա Մ. Վորոնցովի օրոք տեղական բնակչությունից աստիճանավորներով քաղաքացիական պաշտոնների փոխարինման հետ, որոնց նա անվանում է «նոր մարդիկ»⁷: Զ. Ավալովը կառավարման վերափոխումները բացատրում է երկրամասի կյանքում ինքնակալության ռեֆորմատորական «դերով», ինչպես նաև սոցիալական հարաբերությունների «ապաֆեոդալականացման» քաղաքականությունը: Նրա կարծիքով վերին խավերի դժոճությունը ինքնակալությանը պիտի հրաժարվելու «դեմոկրատական փորձերից»⁸: Մ. Լյալինը կառավարության գործունեությունը դիտում է իբրև «միասնական պետական իշխանության» ստեղծում, որը տեղական բնակչությանը «հանգստություն» տվեց⁹:

Սովետական պատմագիտության մեջ 1840 թ. ռեֆորմի լուսաբանման հարցում կա երկու տեսակետ: Պատմաբանների մի մասն այն գնահատել է բացասաբար՝ իբրև ֆեոդալական «կամայականություն» փոխարինում չինովնիկականով, իբրև կառավարումը քայքայած «անհաջող փորձ»¹⁰, մյուսներն այն համարել են վարչական կառուցվածքի և օրենսդրության միասնականացմանը հանգեցրած որոշակի առաջընթաց¹¹: Մի շարք հետազոտողներ այն գնահատել են իբրև քաղաքական զաղութային քաղաքականության հերթական փուլ¹², բայց ոմանք էլ այն բնութագրել են իբրև ինքնակալության քաղաքականության նոր շրջան, երբ Անդրկովկասը սկսեց դիտվել պետության մաս, իսկ հետո՝ ծայրամաս¹³:

⁵ «Русская старина», 1901, т. 101, с. 25, 26, 33—39.

⁶ В. И. Иваненко, Гражданское управление Закавказьем, Тифлис, 1901, с. 379.

⁷ Г. Г. Евангулов, Местная реформа на Кавказе, СПб., 1914, с. 10—15.

⁸ З. Авалов, Армяне («Формы национального движения в современных государствах»), СПб., 1910, с. 511, 512.

⁹ «Окраины России», 16. VII. 1906.

¹⁰ М. К. Рожкова, Политика царского правительства на Ближнем Востоке во второй четверти XIX века и русская буржуазия, М.—Л., 1949, с. 282; Н. П. Ерошкин, Крепостническая политика самодержавия и его политические институты, М., 1981, с. 185; Г. Х. Арутюнян, Социально-экономическая политика царизма в Армении и Азербайджане в 40—50 гг. XIX в. (автореферат канд. дис.) Ереван, 1950, с. 7.

¹¹ М. А. Адонц, Экономическая политика царизма в Восточной Армении в XIX в., Ереван, 1957, с. 105; А. Ш. Мильман, Политический строй Азербайджана в XIX—начале XX века, Баку, 1966, с. 123, 124; Г. В. Хачапуридзе, К истории Грузии первой половины XIX века, Тбилиси, 1950, с. 430.

¹² «Колониальная политика Российского царизма в Азербайджане», ч. I, М.—Л., 1936, с. 23—25; Վ. Ա. Պարսյան, Ցարիզմի գաղութային քաղաքականությունը Հայաստանում, մաս II, Երևան, 1940, էջ 184, 187; А. Н. Сургуладзе, Прогрессивные последствия присоединения Грузии к России, Тбилиси, 1982, с. 63.

¹³ В. Г. Тунян, Административная и экономическая политика самодержавия в Восточной Армении от Туркманчайского мира до Крымской войны. 1828—1853 гг.

Փորձենք հետազոտել Անդրկովկասի կառավարման ուղղութիւնը վերապահ մարմինների կատարած վերափոխումները, բացահայտել ռեֆորմի վրա ազդած գործոնները, քննել 1840 թ. հաստատակարգի և Կովկասյան փոխարքայութեան ստեղծման նպատակները: Հոգովածի ժամանակագրական սահմաններն ընդգրկում են XIX դ. 40-ական թվականները, երբ ավարտվեցին ինքնակալութեան կողմից Անդրկովկասը կայսրութեան կազմի մեջ ընդգրկելու ուղղութիւնը կազմակերպական ձևերի որոնումները:

XIX դ. 30-ական թվականների վերջերին Անդրկովկասը մնում էր որպէս ռուսական պետութեան՝ կառավարման տարբեր ոլորտներում չկարգավորված տիրույթ: Իշխանութեան քաղաքացիական ձև գոյութիւն ունէր Վրաստանում, Իմերեթիայում և Հայկական մարզում, իսկ մահմեդական մարզերում կառավարման թելերը կենտրոնացված էին զինվորական պարետների ձեռքերում. դոյութիւն ունեին նաև վասսակական տիրութիւններ՝ Մինգրելիա, Աբխազիա և այլն: Իրավական բնագավառում ղեկավարվում էին ռուսական ու վրացական օրենսդրութիւններով և շարիաթի դրույթներով: Չկարգավորված էին մնում ֆինանսական հարցերը (դրամաշրջանառութիւնը, հարկերը, կապալները, րաժերը): Անդրկովկասյան դավանանքների (հատկապէս շիա և սյունի) գործերի ղեկավարումը արդուանվետ էր: Պրոբերի այդ ամբողջ համալիրը կառավարման ռեֆորմը նախապատրաստող անդրկովկասյան հանձնաժողովը դրեց ինքնակալութեան առաջ¹⁴:

1839 թ. ղեկտեմբերին երկրամասի քարեկարգման անդրկովկասյան կոմիտեն¹⁵ քննարկեց հանձնաժողովի նախագահ սենատոր Պ. Գանի ներկայացրած «Անդրկովկասյան Ռուսաստանի կառավարման մասին կանոնադրութեան նախագիծը»: Պ. Գանը նախատեսել էր երկրամասի գլխավոր կառավարչով ներկայացված գլխավոր վարչութեան և գլխավոր կառավարչութեան կազմակերպում: Կառավարչութեան մեջ մտնող գլխավոր կառավարիչը (նախագահ-հոգը), Թիֆլիսի ռազմական նահանգապետը և հինգ աստիճանավորները պետք է մարմնավորեին ներքին գործերի, ֆինանսների, պետական գույքի, արդարադատութեան և արտաքին գործերի մինիստրների «միացյալ իշխանութիւնը»: Կայսերական օրենսդրութեան տարածումը ամենուրեք նախատեսվում էր անցկացնել առանց որևէ աղգելի: Դրական նախատիպի օրինակ էր մատնանշվում «ռուսական դատավարութեան» լիակատար մոժովը Հայկական մարզ (որտեղ քրեական գործերը նախկինում ենթակա էին ռազմական դատարաններին), ինչպես նաև մասնակիորեն երկրամասի նահանգական շրջանները: Երկրամասը բաժանվում էր Վրացա-իմերեթական և Կասպիական նահանգների (առաջինի բնակչութիւնը հաշվում էր 401600 քրիստոնյա և 136600 մահմեդական, իսկ երկրորդինը՝ համապատասխանաբար 40600 և 453200): Նահանգային-մարզային կառավարում էր նախատեսվում Վրացա-իմերեթական նահանգում, որտեղ առանց ատենական տեղերի մտնում էր Հայկական մարզը, գավառային՝ Կասպիական նահանգում: Աղգային-տարածքային սահմանադատումը պայմանավորվում էր պետական խորհրդի 1835 թ. մայիսի 15-ի որոշմամբ: Դրանով կարգադրվում էր Անդրկովկասի կառավարման բարենորոգման ընթացքում, նկատի ունենալով բնակիչների աշխարհադրական-կրոնական մերձավորութիւնը և քաղաքացիութեան աստիճանը, միայն երկու նահանգների կազմակերպում՝ «ավելի լավ հսկողութեան» և ճախսերի կրճատման նպատակով: Պ. Գանը, ձգտելով հաշվի առնել էթնիկական ռեալութիւնները, հնարավոր էր համարում Հայկական մարզի և Ղարաբաղի

(автореферат канд. дис.), Ереван, 1982, с. 12, 13, 19, 20; Н. С. Князянна, Административная политика царизма на Кавказе и в Средней Азии в XIX в. («Вопросы истории», 1983, № 4, с. 47).

¹⁴ Կազմակերպվել է 1837 թ.:

¹⁵ Կոմիտեն կազմված էր ռազմական, ֆինանսների, պետական գույքի, ներքին գործերի և արդարադատության մինիստրներից:

մարզերի միացման միջոցով երրորդ նահանգի կազմակերպումը՝ Սակայն աստիճանավորների հաստիքային կազմի պակասը, կառավարման ծախսերը, Շուշիի և Երևանի միջև ձմեռային հաղորդակցության դժվարությունները, ինչպես նաև պետական խորհրդի որոշումը նրան դրդեցին այդ առաջարկության կատարումը կախման մեջ դնել կառավարության հայեցողությունից:

Երկրամասի առաջարկվող կառավարումը, նախագծի «հիմունքների» համաձայն, նախատեսում էր երեք խնդիրների «աստիճանական» լուծում. համանահանգային հաստատության հիման վրա կառավարման միասնության ստեղծում, անդրկովկասյան ժողովուրդների «ամրապնդում»՝ «միմյանց և Ռուսաստանի հետ», ազգային տարբերությունների մասին «մտքի ոչնչացում»:¹⁶ Ամրոցությունվածք առած, նախատեսվում էր հաղթահարել Անդրկովկասի «օտարացումը» և այն «ավելի ու ավելի ձուլել» պետության հետ (այդ պատճառով էլ երկրամասում գլխավոր դատարան կազմակերպելու մասին Պ. Գանի առաջարկը չհաստատվեց): Նախագիծն անտեսում էր ծայրամասի ազգային և սոցիալ-տնտեսական առանձնահատկությունները: Այն ինչում էր երկրամասը ամրապնդելու և յուրացնելու կայսերական շահերից, Դրական էլ տեղական բնակիչներին միասնական երկրի քաղաքացիներ ճանաչելը:

1839 թ. դեկտեմբերի 19-ին կայացավ Անդրկովկասյան կոմիտեի նիստը՝ նախագծի մասին մինիստրների կարծիքների համատեղ կշռադատման համար: Քննարկման ժամանակ բախվեցին երկու հակադիր միտում. Անդրկովկասում կառավարման գաղութային համակարգ մտցնել¹⁷, թե՞ երկրամասը դիտել երկրի բաղկացուցիչ մաս: Դինանսական գերատեսչության ղեկավար Ե. Կանկրինի դիտողություններում արտացոլվել էր առաջին միտումը¹⁸. Նա հանդես եկավ հօգուտ մի նահանգի ստեղծման՝ թույլ չտալու համար երկրամասի «օտարացումը», իսկ մահմեդական մարզերում առաջարկեց թողնել ասիական կառավարումը: Երկրորդ միտումի ներսում առկա էր երկու տեսակետ. Դրանցից մեկի համաձայն նախատեսվում էր անմիջապես անցնել կառավարման համանահանգային սխեմային, իսկ ըստ մյուսի՝ աստիճանաբար: Առաջին տեսակետն արտացոլվել էր Պ. Գանի նախագիծում, իսկ երկրորդն ակտիվորեն պաշտպանում էր Անդրկովկասյան երկրամասի գլխավոր կառավարիչ Ե. Գոլովինը: Նա կոմիտեի անդամների հետ անձնական տեսակցությունների ժամանակ նրանց իրադեկ էր պահում ամենուր քաղաքացիական սխեմա մտցնելու, մահմեդական մարզերում ռուսական օրենսդրության վաղաժամանակության և միայն Վրաստանի օրինակով ռեֆորմի «հետևանքները» ստուգելու իր ցանկության մասին: Ե. Գոլովինն ընդգծում էր, որ երկրամասը դեռ «գնեք ջած չի դրել», և որ Փոքր Ասիայում քաղաքական լարված իրադրությունը կարող է ազդել Անդրկովկասի վրա: Գլխավոր կառավարիչի դիրքորոշումը Կովկասյան կորպուսի գլխավորականների շահերի արտահայտությունն էր, գլխավորականներ, որոնք հանդես էին գալիս իրենց գործունեությունը քաղաքացիական վարչությանը սահմանափակելու դեմ:

Ե. Գոլովինի փաստարկներն արժանացան մինիստրների աջակցությանը: Նրանք, հաշվի առնելով, որ դասային հարաբերությունների և պետական ու անձնական սեփականության պահպանության ապահովվածության խնդիրը լուծված չէ, հանդես եկան Վրաստանում, Իմերեթիայում և Հայկական մարզում նահանգական կառուցվածք մտցնելու, իսկ երկրամասի մնացած մասում՝ «կրճատված» կամ «անցումային» կառավարման ստեղծման օգտին: Կոմիտեն որոշեց նախագիծը հանձնել լրացուցիչ մշակման՝ Անդրկովկասում համանահանգային կարգի աստիճանական տարածման հիման վրա և Մ. Պոգոնից (կոմիտեի գործերի կառավարիչ), Պ. Գանից ու Ե. Գոլովինից կազմել նոր հանձնաժողով: Նիկոլայ I-ը, ստորագրելով կոմիտեի 1839 թ. դեկտեմբերի

¹⁶ Центральный гос. исторический архив СССР (далее ЦГИА СССР), ф. 1268, оп. 26, д. 1, л. 78.

16-ի նիստի մատյանը, խմբագրական աշխատանքների ավարտի ժամկետ նշանակեց 1840 թ. մարտի 1-ը: Այսպիսով, հաղթեց երկրամասը պետության մաս դիտելու միտումը¹⁷:

1840 թ. հունվարի 9-ին Պ. Գանր ամենահպատակ զեկուցադրով նիկոլայ I-ին փաստաթղթեր ներկայացրեց Անդրկովկասի ֆինանսական վիճակի մասին, որոնք նաև առաջարկություններ էին պարունակում սոցիալական իրավունքների և տեղական դավանությունների մասին: Հարկային սխտեմի ուսումնասիրությունը սենատորին բերել էր այն եզրակացության, որ զանազան կատարվող մոծոմաները «անհամաչափ են» երկրամասի հնարավորություններին: Պ. Գանր առաջարկում էր մասցնել «հողի արգասիքներով» համախառն հարկման սխտեմ, որն ընդունված էր Հայկական մարզում: Նա շոշափում էր նաև առևտրական ու լեռնային գործերին, պետական գույքի կառավարմանը, քաղաքային և տեղական պարտույթներին, պետական տուրքերին վերաբերող հարցեր: Պ. Գանր ներկայացրած փաստաթղթերում ուշադրություն էր դարձվում նաև հոգևորականության վրա: Պահանջվում էր ուժեղացնել Վրաստանի էկզարխի ազդեցությունն իմերեթիայի, Մենգրելիայի և Գուրիայի հոգևոր պետերի վրա, ակտիվացնել լեռնականների շրջանում քրիստոնյա միսիոներական գործունեությունը, զանազան ընդունել տեղական ուղղափառ հոգևորականությունից «շատ ժամանակ խլող» եկեղեցական գույքը: Ընդգծելով հոգևոր իշխանությունը հայ ժողովրդի արևելյան և արևմտյան հատվածները միացնող Հայոց կաթողիկոսի նշանակալից դերը, Պ. Գանր կոչ էր անում ճշտվել կատարել 1836 թ. մարտի 11-ի եկեղեցական կանոնադրությունը և դրանով իսկ կանխել կամ «ժամանակին կանգնեցնել պետության շահերին չհամապատասխանող հատուկ ազգության վերածնունդը»¹⁸: Մահադական կրոնի գործերի ղեկավարման և արդյունավետ վերահսկողության նպատակով Պ. Գանր առաջարկում էր ստեղծել կենտրոնական կառավարական հիմնարկություն:

«Անդրկովկասյան երկրամասում ֆինանսական բնագավառի կազմակերպման» նախագծի մասին իր կարծիքը Ե. Գոլովինը ներկայացրեց 1839 թ. դեկտեմբերի 6-ին և 1840 թ. հունվարի 30-ին ուղարկեց մինիստրին ուղղած զրույթուններում: Նա ներժում էր Անդրկովկասում «ճորտատիրական կանոնադրություն» մտցնելու և տեղական գյուղացիների մասին կանոնադրություն հրապարակելու վերաբերյալ Պ. Գանրի առաջարկությունները, պատճառաբանելով, որ երկրամասը «լավ վիճակի մեջ չի դրվել»: Նա նշում էր, որ ճորտատիրական հարաբերություններն այստեղ Բելոռուսիայի նման կհանգեցնեն հողագործների պարտույթների ավելացման, այսինքն՝ սոցիալական լարվածության աճի: Նրա կարծիքով պետական գույքի ստուգման, կամերալ ցուցակագրման և հողային բաժնեհաշվման իրականացումը կպահանջին առաքել հանձնաժողովների գործունեություն և զգալի ժամանակ: Վրաստանի իշխանական և ազնվականական ընտանիքների իրավունքների որոշման հարցը Ե. Գոլովինը վերագրում էր «տեղական իրավունքների» պրոբլեմին, իսկ մահադական բարձր դասի իրավունքները, սխալ կ'ընկալվի, ոչ թե ռուսական ազնվականության հետ «հավասարեցմանը», այլ «պատվավոր քաղաքացիության» նշաններ ստանալուն: Նա չէր ընդունում կաթողիկոսության ինստիտուտի քաղաքական վնասակարության մասին Պ. Գանրի տեսակետը: Վրաստանում եկեղեցական սեկուլյարիզացիան Ե. Գոլովինը համարում էր նախապատրաստում պահանջող միջոցառում, իսկ մահադական հոգևորականության դրությունը՝ արժանի կառավարության ուշադրությանը: 1840 թ. փետրվարի

17 Նույն տեղում, թ. 75—77, ֆ. 561, ց. 1, գ. 142, թ. 20, Центр. гос. военно-исторический архив (далее ЦГВИА), ф. Военно-ученый архив, д. 6378, л. 62; В. Г. Туняц, Подготовка закавказской административно-судебной реформы 1840 г. и Восточная Армения («Вестник МГУ». История. 1981, № 5, с. 18).

18 ЦГИА СССР, ф. 1268, оп. 1, д. 104, ч. I, л. 47.

Յ-ին տնտեսական բնագավառի մասին Ե. Գուլովինի դիտողությունների հետ համաձայնեց Ե. Կանկրինը, որն առաջարկեց այստեղ նախատեսվող միջոցառումները իրագործել աստիճանաբար՝ «միանգամից չափազանց շատ բան չձեռնարկել»¹⁹:

Նախագիծը ներկայացվեց Անդրկովկասյան կոմիտեի եզրակացությանը²⁰,

1840 թ. ապրիլի 10-ին Նիկոլայ I-ը հաստատեց «Անդրկովկասյան երկրամասի կառավարման համար օրենսդրական որոշումը»: Կառավարումն ընդգրկում էր երեք աստիճան. առաջին՝ գլխավորը, որը ներկայացնում էին գլխավոր կառավարիչը, Թիֆլիսի ռազմական նահանգապետը և գլխավոր վարչության խորհուրդը, երկրորդ՝ նահանգային-մարզայինը և երրորդ՝ գումառայինը: Գավառային դատարանները, քրեական և քաղաքացիական դատարանի պալատները կալսերական օրենսդրության հիման վրա կազմում էին իրավակարգի առաջին և երկրորդ աստիճանները: Բարձրագույնը համարվում էր կառավարող սենատը: Ստեղծվում էին վրացա-իմերեթական նահանգը, Կասպիական մարզը և Դերբենդի ռազմական օկրուգը: Օրենսդրական որոշումը լրացնում էր կանոնադրությունների փաթեթը: Այն նախատեսում էր Թիֆլիսում քաղաքային վարչության կառավարչություն (որպես երկրամասի վարչատնտեսական կենտրոն), գեմաստվային պարհակների կոմիտեի ստեղծում, Անդրկովկասում ծառայող աստիճանավորներին արտոնությունների շնորհում և այլն²¹:

Մ. Պոդեինի նախագծի «վերափոխումը» հանդիսացող նոր կարգը²² ուժի մեջ էր մտնելու 1841 թ. հունվարի 1-ից:

Օրենսդրական որոշման և անդրկովկասյան հանձնաժողովի կանոնադրության համադրությունը հնարավորություն է տալիս բացահայտելու կարևոր նրբերանգներ: Պ. Գանի նախագիծը նախատեսում էր ստեղծել կենտրոնացված ռեգիոնալ կառավարչություն, որտեղ վարչությունը օժտվելու էր գործադիր իշխանությամբ: Վարչությունը պետք է դառնար «միացնող աստիճան» մինիստրությունների հետ, մինչդեռ ստեղծված խորհրդին տրվում էին միայն վերահսկողության ֆունկցիաներ և գլխավոր կառավարչին կից խորհրդակցական նշանակություն: Սրկու նահանգների փոխարեն կազմակերպվեց մեկը: Կասպիական մարզը ստացավ կրճատված կառավարում: Ատենական տեղերի քանակն ավելի քիչ էր ներկայացուցչական և իրավասու: Օրենսդրական որոշումը միավորեց երկրամասը համապետական համակարգով կառավարելու կողմնակիցների հայացքները: Այն նշանակալից թոյլ էր Անդրկովկասի բնակչության քաղաքացիական վիճակի կարգավորման մեջ: Զինվորական պաշտոնյաները հեռացվեցին քաղաքացիական հաստիքներից: Սեփականություն և անձի օրենսդրական պաշտպանությունն ապահովվում էր: Մամեդական մարզերի բնակիչները ստանում էին քրիստոնյա բնակչությանը հավասար իրավունքներ և միասին ճանաչվում էին ռուսական կայսրության «հավատարիմ հպատակներ»: Թուլյատրվում էր առաջին աստիճանի դատարաններին մայրենի լեզվով խնդրագրեր տալ, վերացվում էին քրեական գործերով զբաղվող ռազմական դատարանները: Սրկումասի բնակչության դրությունը ներքին նահանգների բնակիչների վիճակից որոշ չափով ավելի տանելի դարձավ, քանի որ այն ենթակա չէր զինակոչային ծառայության, ինչպես նաև չէր կրում ռուսական ճորտատիրական իրավունքի ծանրությունը:

Քաղաքացիական իշխանության բաժանումը ռազմականից, գործավարության և դատավարության միատիպությունը, ընդհանուր կառավարման

¹⁹ Նույն տեղում, ֆ. 561, ց. 1, գ. 201, թ. 54:

²⁰ Նույն տեղում, Թ. 1—55, 97—98, ֆ. 1268, ց. 1, գ. 104, մ. 1, Թ. 1—77, 93—127:

²¹ «Полное собрание законов Российской империи» (далее ПСЗРИ), т. 15, СПб., 1841, № 18368—13971.

²² «Русская старина», 1900, т. 101, с. 37.

ստեղծումը, պետական իրավական ստատուտը, անդրկովկասյան ժողովուրդների հավասարեցումն ու մերձեցումը պայմանավորում էին ռեֆորմի առաջադրման գծերը: Սակայն տեղական ժողովուրդների առանձնահատկությունների, նրանց օրենսդրության (վրացական թագավոր Վախթանգի կողմից գործողությունը դադարեցվեց) անտեսումը, վարչական ձևերի միասնության վրա չափից դուրս շեշտը դնելը և իշխանության մեխանիզմի բարդությունը սահմանափակում էին օրենսդրական որոշման դրական բովանդակությունը:

1840 թ. նոյեմբերին Անդրկովկասյան կոմիտեն եզրակացություն հանեց ֆինանսական նախագծի մասին: Այն գտավ, որ նախագիծը եռակի նպատակ է հետապնդում՝ քաղաքացիական կառավարման, պետական գույքի և ֆինանսատնտեսական բնագավառների վերափոխում: Օրենսդրական որոշման ընդունումը, զեմսովային և քաղաքային պարհակներով զբաղվող կոմիտեների բացումը, երկրամասի փոստային բնագավառի վերաբերյալ հաստատված նախագծի առկայությունը, մինիստրների կարծիքով, նշանակում էին առաջադրված միջոցառումների նշանակալից մասի պրակտիկ իրականացում: Հարկային սխեմանից սպասվելիք եկամուտների «աննշանությունը» և տնտեսական համակարգի փոփոխության բացասական հետևանքների նարավորությունը դրդեցին այդ բնագավառում Պ. Գանից «վերջնական նախագիծ» պահանջել: Կոմիտեն հաշվի առավ «նորամուծությունների» ժամանակ ցնցումներից խուսափելու անհրաժեշտության մասին Ե. Կանկոնի կարծիքը²³:

Տնտեսական ոլորտի վերակառուցման հետաձգումն ուղեկցվում էր հոգեվորականության և դասերի հեռավոր հարցերի չլուծվածությամբ: Դրանք 1840 թ. ապրիլի 30-ին «Անդրկովկասի բնակիչների քաղաքացիական հարաբերությունների որոշման մասին» բարձրագույն ռեակրիպտով դրվեցին երկրամասի գլխավոր կառավարչի և գլխավոր վարչության խորհրդի վրա²⁴: Այսպիսով, Պ. Գանի նախատեսած վերափոխումների լայն ծրագիրը հանգեցվեց կառավարման ռեֆորմի առաջնահերթությանը: Դրա պատճառը հասարակական հարաբերությունների վերակառուցման ժամանակ բարդություններից խուսափելու կառավարության ձգտումն էր:

Օրենսդրական որոշման գործունեության ուժեղացման նպատակով ձեռնարկվեցին մի շարք հատուկ միջոցներ: Մահլալին նախքան կառավարությունից հեռացվեցին, իսկ նրանց ֆունկցիաները փոխանցվեցին տեղամասային ատենակալներին՝ ռուսական աստիճանավորներից: Ադրբեջանական ֆեոդալական դասի ստորին խավի ներկայացուցիչ աղալարները, որոնք առավել մոտ էին կանգնած ժողովուրդին, հեռացվեցին գյուղերի կառավարումից: Նրանց իշխանությունից ազատված 83 հազար գյուղացիներ պետականի ստատուտ ստացան: Այդ միջոցառումը նախատեսվում էր իրագործել նաև բեկերի նրկատմամբ: Պ. Գանի ճնշման տակ գլխավոր վարչության խորհուրդը Անդրկովկասում ռուս ճորտ գյուղացիների վաճառքի արգելումը ընդունեց իբրև անհրաժեշտության մատնանշում՝ զբաղվելու գյուղացիների պարհակների և կալվածատերերի հետ նրանց փոխհարաբերությունների հարցերով: Բոլոր այդ միջոցով և ենթադրվող միջոցառումները շոշափում էին սոցիալական հարաբերությունների խճճված կծիկը, քանի որ վերաբերում էին տարբեր դասերի շահերին:

Իմերեթիայում, Օսեթիայում և Ադրբեջանի մի քանի շրջաններում սկսվեցին խմորումներ, որոնք հրահրում էին ֆեոդալական տարրերը: Երկրամասի «ներքին անդորրի» համար պատասխանատու ժանդարմական կորպուսի վեցերորդ օկրուգի պետը նշում էր, որ «Անդրկովկասյան Ռուսաստանը» ռադիկալ և վարչական ձևերի պարզեցում է» պահանջում: Կացույթաձևերի տարա-

²³ ЦГИА СССР, ф. 1268, оп. 26, д. 2, л. 132—133 об.

²⁴ Центральный государственный исторический архив Груз. ССР, ф. 2, оп. 1, д. 6851, л. 8—12.

սեռութիւնը, բնակիչների քաղաքացիութեան աստիճանը, ստեղծված ապարատի բարդութիւնը և աստիճանավորների ընթացողութիւնը օրենսդրական որոշման գործունեութեան խոշորագույններ էին դիտվում²⁵։ Հարկերի գանձման ժամանակ շարաշահումների և պարհակների փոփոխութեան հետեւանքով 1841 թ. հուլիսին Գուրիայում տեղի ունեցած մասսաների խոշոր ելույթը միայն ինքնակալութեանը ստիպեց մտածելու դժգոհութեան պատճառների մասին²⁶։ Ստեղծված դրութիւնը դաժձավ ուղղմական միւնիստր, անդրկովկասյան կոմիտեի նախագահ Ա. Չերնիշևի և պետական քարտուղար Մ. Պոդեինի վերաստուգման առարկա։ 1842 թ. օգոստոսին կայսրին հաշվետվութիւն ներկայացվեց։ Այնտեղ նշվում էր, որ կառավարման միւնիստրական կարգ մտցնելը, ներքին նահանգների նման, «թուլացրեց» երկրամասի վարչութեան ղեկավարի իշխանութիւնը և չնպաստեց օրենսդրական որոշում մտցնելու վրա հսկողութեանը։ Հաշվետվութեան հեղինակները գտնում էին, որ «ռեֆորմի ընդհանուր ուղղութիւնն» իրագործող կոմիտեին վերափոխումների ընթացքի վրա հսկողութիւնը հանձնել է գերատեսչութիւններին, որոնք, իրենց հերթին, դա համարում էին նրա պարտականութիւնը։ Երկրամասում աստիճանավորների թիվը 1839—1841 թթ. 704-ից հասել էր 1311-ի։ Պետական գանձարանից քաղաքացիական ծախսերը ծածկելու համար, ռազմականից բացի, հարկ էր եղել հատկացնել ևս 151.316 ռ. արծաթով։ Բերութիւններ էին առկա նաև ապարատի մյուս աստիճաններում։ Այդ էին վկայում վերաքննիչների ստացած խնդրագրերը։

Խնդրագրերի և բողոքների քննութիւնը վկայում էր, որ բնակչութեան դժգոհութեան պատճառը ստեղծված ապարատի գործունեութիւնն էր և ոչ թե կառավարման հին ձևերին վերադառնալու ձգտումը։ Դրանցում տեղ էին գրավում սոցիալական փոխհարաբերութիւնների և ժողովրդական ղանգվածների տնտեսական դրութեան հարցերը²⁷։ Կառավարութեան առջև ծառացավ երկրամասի կառավարումը բարելավելու, հարկերի և դասերի դրութեան վրա ուշադրութիւն դարձնելու խնդիրը։ Ձևավորվեց կարծիք, ըստ որի «Անդրկովկասյան երկրամասի կառավարման նոր օրենսդրական որոշումը միայն ընդհանուր ցանց է, որի ներսում հարկ կլինի կատարել փոփոխութիւններ»²⁸։ Հարմարվելով տեղի ժողովուրդների բարքերին՝ ու սովորութիւններին²⁹։ Սկսվեց օրենսդրական որոշման ջոկողումը²⁹։ 1842 թ. օգոստոսի 30-ին ստեղծվեց կառավարման բժով որոշումներ նախապատրաստող անդրկովկասյան կոմիտե, ինչպես նաև կայսրի գրասենյակին կից հինգերորդ բաժանմունք՝ հնարավոր ռեֆորմների «մշակման» համար³⁰։ 1842 թ. նոյեմբերի 12-ին Նիկոլայ I-ը հաստատեց «Անդրկովկասյան երկրամասի գլխավոր վարչութեանն ուղղված հրահանգը»։ Դրանում գլխավոր խնդիր էր համարվում քաղաքացիական կյանքը «միապետական սկզբունքներին» ենթարկելու հիման վրա երկրամասը կայսրութեանը «մերձեցնելու» ուղղութեամբ միջոցառումների անցկացումը։ Պարտավորեցվում էր օրենսդրական որոշմամբ առանց ստորագրելու որոշել դասային հարաբերութիւնները, «հովանավորել» տեղական ղափանութիւնները, դատական գործավարութեան մեջ հաշվի առնել բնակիչների առանձնահատկութիւնները, մտցնել կայսերական լուսավորութիւն։ Պահանջվում էր նախագիծ պատրաստել տեղական աշխարհազորի մասին և զեկուլց՝ համապետական և տեղական օրենսգրքութեան քննութեանը ենթակա գործերի մասին։ Նշվում էր առաջին հերթին

²⁵ Центральный государственный архив Октябрьской революции (далее—ЦГАОР), ф. 109, I экспедиция, 18440, д. 258, л. 151—156 об.

²⁶ ЦГИА СССР, ф. 1018, оп. 3, д. 235, л. 18—32.

²⁷ Центральный государственный архив военно-морского флота, ф. 19, оп. 4, д. 384, л. 11—63.

²⁸ Отдел письменных источников государственного исторического музея (далее ОПИ ГИМ), ф. 254, оп. 1, д. 376, л. 275.

²⁹ Պ. Գանին և Ե. Գուրիլինի կայսրը հեռացրեց զբաղեցրած պաշտոններից։

³⁰ ПСЗРИ, т. 17, отд. 1, № 16008.

երկրամասի ագրարային ուժերի զարգացման, այնտեղ ռուս կապիտալիստների և արհեստավորների վերաբնակեցման, հարկային սխտեմի վերակառուցման անհրաժեշտությունը³¹։

«Հրահանգը» հենվում էր «պաշտոնական ժողովրդայնության»՝ «ուղղափառություն, ինքնակալություն և ժողովրդայնություն», կայսերական տեսության եռանդամ բանաձևի վրա³²։ Դրանում արտացոլվել էին նոր ռեալությունների՝ երկրամասը դադարեց «Անդրկովկասյան Ռուսաստան» դիտվելուց, բայց «մերձեցման և ձուլման» հարցի լուծումը նախատեսվում էր 1840 թ. օրենսդրական որոշման սահմաններում, շնայած և նրա դրույթներից նահանջներ էին թույլատրվում։ Գլխավոր վարչությունը դառնալու էր ցարիզմի օժանդակ մարմինը, որը հինգեդորդ բաժանմունքին և անդրկովկասյան կոմիտեին պետք է օգներ՝ ժայռամասը կայսրության կազմում ամրապնդելու գործում։ Գլխավոր վարչության կազմը սահմանափակվեց հինգ անդամով, որոնցից երեքը զինվորականներ էին (նրանք կրկին քաղաքացիական պաշտոններ զբաղեցնելու հնարավորությունն ստացան)։ Լեռնային ժողովուրդների մոտ վերստեղծվեցին ռազմաքաղաքացիական վարչությամբ օկրուգները³³, ֆեոդալների պահանջների հաշվառման հիման վրա ցարիզմը իր սոցիալական հենարանի ամրապնդման կուրս վերցրեց։ Սահմեղական բարձր խափի (որին սկսեցին վերադարձվել արտոնությունները) դրությամբ սկսեցին զբաղվել երկու աղալարական և մեկ բեկական հանձնաժողովներ։ Իմերեթիայի ազնվականությունը խոստացան ստեղծել մարզ։ Սակայն գլուղացիությունը առաջվա նման պետք է կալվածատերերից կախման մեջ լիներ։ Նահանգում սկսվեց «միացյալ հարկ»³⁴ մտցվել, որը «տեղական հանգամանքների» պատճառով Կասպիական մարզում հետաձգվեց³⁵։

Ինքնակալությանը հաջողվեց երկրամասում տիրող լարվածության պատճառները մեղմացնել, բայց ոչ վիճարկել։ Մ. Պոդենը 1843 թ. Օսեթիայում սեղի ունեցած «գեպլեթի» կապակցությամբ փորձում էր քննել իրադրությունն ապակայունացնող ազդակները։ Նա գրում էր. «Մեր դարում խռովություններն ու ապստամբությունները հրահրվում են երկու պատճառով՝ Արևմտյան Եվրոպայի քաղաքական զառանցանքներով և տեղական իշխանությունների ճնշիչ գործողություններով։ Առաջին պատճառը մեր կովկասյան տիրույթներում վրձնականապես գոյություն չունի, երկրորդը, դժբախտաբար, ուժեղ չափով գործում է։ Այդ եզրահանգման ճշտությունն ապացուցվում է Անդրկովկասում տեղի ունեցած գրեթե բոլոր ժողովրդական հուզումներով»³⁶։ Անդրկովկասի և Եվրոպայի սոցիալ-տնտեսական մակարդակների տարբերության պատճառով մերժելով երկրամասի վրա հանրապետական ու սոցիալական գաղափարների ազդեցությունը, Մ. Պոդենը ամեն ինչի նախապատճառ էր համարում տեղական իշխանությունների թերատությունները։ Նա, կառավարման մեխանիզմի ֆունկցիայի հաղորդակը տրամադրելով անդրկովկասյան իշխանություններին, գիտակցաբար պետական բարձրագույն մարմինների վրայից, որոնց գործունեությունը քննադատության չէր ենթարկվում, պատասխանատվությունը դնում էր ստորադաս ատյանների վրա։ Մ. Պոդենը հրաժարվում էր Անդրկովկասի բրնակիչներին դիտել իբրև «ապստամբներ ու խռովարարներ», լուծությամբ շրջանցում էր դժգոհության սոցիալ-տնտեսական պատճառները, ուշադրությունը կենտրոնացնելով միայն կառավարման վրա³⁷։

³¹ «Наказ главному управлению Закавказским краем», СПб., 1842, с. 1—42.

³² «Десятилетие министерства народного просвещения: 1833—1843», СПб., 1864, с. 106.

³³ Հարո-Բեռլանի, Օսեթիա, Լեռնային, Տուշինո-Փշավո-Խելսուրիա։

³⁴ Բաղկացած էր հիմնականում հողային, ծխային հարկերից և տեղական տուրքերից։

³⁵ ЦГИА СССР, ф. 1018, оп. 3, д. 235, л. 27.

³⁶ Рукописный отдел Государственной библиотеки им. В. И. Ленина (далее РО ГБЛ). ф. 330/І, п. 80, ед. 11, л. 116.

³⁷ Նույն տեղում, թ. 116—117 հափ։

Անդրկովկասում և նրան հարակից տարածքներում գործերի վիճակից անբավարարվածությունը կայսրին ստիպեց ընդունելու տեղական վարչության գործունեության կենտրոնացման անհրաժեշտությունը:

Կառավարչական տեսանկյունից անտեսել էր ինչպես երկրամասի ներսում, այնպես էլ պետության կենտրոնի հետ նրա սոցիալ-տնտեսական միասնությունը: Նախատեսվում էր «միավորել» տեղական ժողովուրդներին և նրանց նախապատրաստել կայսրության հետ հնարավոր «սեղմանը»: Վարչական կառավարման միատրոպությունը պետք է ամրապնդվեր հասարակական-տնտեսական կացութաձևերի միասնությամբ: Այդ գործերի նշանակությունը բացահայտում է կայսերական գրասենյակի 3-րդ բաժանմունքի 1844 թվականի բարոյաբաղադական հաշվետվությունը: Նրանում ընդունվում էր ուսական կայսրությունում ազգային ծայրամասերի առկայությունը՝ իրենց բնորոշ գծերով հանդերձ: Հարավային ծայրամասի առանձնահատկություն էր դիտվում ընակչության տարակացութաձևությունը³⁸:

Անդրկովկասում հսկողության կարիք էր զգում հոգևոր ոլորտը: Քրիստոնեական ուսմունքի դոգմաների մեկնությունների ժամանակ ուղղափառ և հայկական եկեղեցիների միջև աստվածաբանական վեճերը, վերջինիս ծիսակատարությունների «ստորացումն» ու «ճնշումները», մասնավորապես Երևանում վերածվեցին հոգևորականների ձեռնամարտերի: Վրաստանի էկզարխի՝ իր եկեղեցու առաջնությունը հաստատելու ձգտումը բացասաբար էր անդառնում ինքնակալության հեղինակության վրա, որը Անդրկովկասի ուղջ բնակչության շրջանում ազատ դավանությունը իրագործելու պաշտոնական սկզբունքի կողմնակից էր³⁹: Այդ նույն ժամանակ տեղական վարչությունը, մահմեդականություն վրա վրա վերահսկողություն իրականացնելու նպատակով, բարձրագույն հոգևոր ատյանի բացակայության պայմաններում, սկսեց օգտագործել սյունիների և շիանների տարածայնությունները⁴⁰:

Բարեփոխման կարիք էր զգում արդարադատությունը: «Դատարաններում ձևաբարություն չկա, — նշել է Անդրկովկասյան երկրամասի գլխավոր կառավարչի գրասենյակի դիրեկտոր Ս. Վասիլևսկին, — քանի որ դատողները և դատվողները միմյանց չեն հասկանում»⁴¹: Մտահոգության տեղիք էր տալիս երկրամասի սոցիալական հարաբերությունների և տնտեսության վիճակը⁴², ճանկանում եմ, — գրել է Նիկոլայ I-ը, — երկրամասում մեր տիրապետության ուժեղացումը, որը ես համարում եմ ծայրահեղ տատանվող և անկայուն»⁴³, Գերատեսչական ներգործության անջատվածությունը հաղթահարելու անհրաժեշտությունը և տեղում արդյունավետ կառավարչական ապարատը կենտրոնացնելու ձգտումը մարմնավորվեցին փոխաբայության ստեղծման մեջ⁴⁴, նման պատասխանատու առաքելության իրագործման համար ընտրվեց ինքնակալի վստահությունը վայելող հայտնի զինվորական և քաղաքացիական բարձրաստիճան պաշտոնյա Մ. Վորոնցովը. 1844 թ. դեկտեմբերի 27-ին նա նշանակվեց Կովկասի փոխարքա: Անդրկովկասը, Կովկասյան մարզը և Նովոռոսիյսկի երկրամասը հաջող կառավարելու համար 1845 թ. հունվարի 30-ի շնորհագրով Մ. Վորոնցովի լիազորություններն ընդլայնվեցին: Նա իրավունք ստացավ սեփական իշխանությամբ լուծելու մինչ այդ միևնույնությունների իրավասությանը պատկանող հարցեր և, Նիկոլայ I-ին ծանուցելով, ընդունելու ցանկացած անհրա-

³⁸ ЦГАОР, ф. 109, оп. 223, д. 9, л. 147 об—150 об.

³⁹ ЗУУЗ պետական կենտրոնական պատմական արխիվ (այսուհետև ЗУУЗ ԴԿԴԱ), ֆ. 400, ց. 1, գ. 46, ք. 18—19, ք. 25:

⁴⁰ ЦГИА СССР, ф. 1268, оп. 26, д. 7, 185—191.

⁴¹ ОПИ ГИМ, ф. 254, оп. I, д. 379, л. 300 об.

⁴² Վ. Ա. Միքայելյան, Մովակալ Ն. Մ. Սերերյալով, Երևան, 1979, էջ 116—125, 131—139:

⁴³ РО ГБЛ, ф. 330/I, п. 80, ед. хр. 11, л. 88.

⁴⁴ ЗУУЗ ԴԿԴԱ, ֆ. 113, ց. 1, գ. 3, ք. 3, 3 հադ.

ժեշտ վճիռը⁴⁵։ Փոխարքային տրված արտոնությունները Մ. Պոզենը համեմատեց օցարական իշխանության հետ⁴⁶։

Այսպիսով, ինքնակալությունը ստիպված եղավ օգտագործելու կառավարման պատմականորեն փորձված ձևը՝ Կովկասյան փոխարքայությունը (առաջին անգամ կազմակերպվել է 1785 թ.), երկրամասում իր սոցիալ-քաղաքական նպատակներն ըստ էության անփոփոխ պահելով հանդերձ։

Կայսերական քաղաքականության նոր փուլը կառավարմանը տվեց հետևյալ տեսքը. գլխավորը, նահանգային, օկրուգային և տեղական (գավառային, տեղամասային, քաղաքային, գյուղական)։ Բարձրագույն կառավարումը կենտրոնացվել էր փոխարքայի հատուկ գրասենյակում։ Այն բաղկացած էր երկու բաժանմունքից, որոնք ունեին միմյանցից անկախ ղեկավարող օրինակներ ու համապատասխան դրույքներ և գլխավորվում էին դիրեկտորի կողմից։ Գլխավոր վարչության պետին էր հանձնվել (1848 թ.) ընթացիկ գործերի վարումը՝ հատուկ գրասենյակի ենթագերատեսչական մասի հետ միասին։ Դրան կից միմյանցից անկախ ղեկավարման հիմունքներով կազմակերպվեց պետական գույքերի վարչություն⁴⁷, երկրամասի գծով բոլոր գործերը մտնում էին Կովկասյան կոմիտեի։ Գերագույն հսկողությունն իրականացնում էր կայսրը, որը փոխարքայի հետ հատուկ նամակագրություն ուներ։

1846 թ. դեկտեմբերի 14-ին Նիկոլայ I-ը հաստատեց «Կովկասյան երկրամասի բաժանման մասին կանոնադրությունը»։ Ստեղծված չորս նահանգները՝ Թիֆլիսի, Քութայիսի, Շամախու և Դերբենդի⁴⁸, կազմավորվեցին կերպով ձևավորված կառավարման հիման վրա և անվանվեցին ըստ քաղաքների⁴⁹։ 1840 թ. օրենսդրական որոշման վարչական ձևերը հարմարվեցին նոր խնդիրների լուծմանը։

Նշանակալից ուղադրություն էր դարձվում սոցիալական հարաբերություններին, որոնց բովանդակությունը պայմանավորված էր այստեղ գերիշխող արտադրության եղանակով։ 1845 թ. տվյալները հետևյալ պատկերացումն են տալիս Անդրկովկասի հասարակության կազմի մասին⁵⁰։

Սոցիալական պատկանելիությունը	Բանակը	Տոկոսը	Կրոնական պատկանելիությունը	Բանակը	Տոկոսը
բարձր դաս	43702	3,1	ռուղափառ	444425	31,6
հողերականություն	31547	2,2	լուսավորչական	236277	16,8
քաղաքացիական	101713	7,2	կաթոլիկական	7633	0,5
մասիներ, նուբերներ և այլն	29120	2,1	լյութերական	1685	0,1
գերմանական զաղութաբնական	1680	0,1	աղանդավորական	12989	1
աղանդավորներ	12989	1	բքրայական	9509	0,7
գյուղացիներ	1185319	84,3	մահմեդական	693552	49,3
ընդամենը՝	1406070	100		1406070	100

⁴⁵ «Архив князя Воронцова», т. 40, М., 1895, с. 498—500; ПСЗРИ, т. 20. отд. I, ст. 18679.

⁴⁶ «Русский архив», кн. 3, 1876, с. 301.

⁴⁷ ПСЗРИ, т. 20, отд. № 18706, 19230, 19706; «Свод законов Российской империи», СПб., 1857, т. 2, ч. 2, кн. 3, № 10, «Санктпетербургские сенатские ведомости», 31. I. 1850.

⁴⁸ Քննարկվում էր Վրաց-հայկական նահանգի կազմակերպման հնարավորության հարցը։ Երեանի նահանգի կազմակերպումը (1850) հետաձգվեց կաթոլիկոսի և Ի. Պասկևիչի հարաբերությունների լարվածության պատճառով։

⁴⁹ ПСЗРИ, т. 21, отд. 2, № 20701; ЦГИА СССР, ф. 1268, оп. 26, д. 9, л. 490.

⁵⁰ «Акты, собранные Кавказскою археографическою комиссией», т. 10, Тифлис, 1885, с. 834.

Տվյալները ցույց են տալիս⁵¹, որ առավել մեծաքանակ դասակարգը գյուղացիությունն էր (84,3%)։ Քանակով երկրորդը քաղաքային բնակչությունն էր, սակայն արհեստավորների, վաճառականների և գյուղացիական ծառու ունեցողների քանակի մասին տվյալների բացակայությունը հնարավորություն տալիս դատելու այդ կատեգորիայի ներքին շերտավորման մասին։ Սոցիալական բուրգի գագաթը կազմում էին հողեր և աշխարհիկ վերնախավի ներկայացուցիչները (5,3%)։ Այսինքն, իշխանությունը պատկանում էր աննշան փոքրամասնությանը, այն ժամանակ, երբ անմիջական արտադրողների հսկայական մեծամասնությունը կառավարում էր հողացված էր։ Ըստ դավանանքի կազմը վկայում է քրիստոնեական և մահմեդական համայնքների թվաքանակի հավասարության մասին։ Կրոնական բաժանումը հիմնականում արտացոլում էր երկրամասի ազգային կազմը՝ վրացիներ, հայեր և ադրբեջանցիներ։ Վերջինիս բարձր խավի պահանջների անտեսումը (մյուս ժողովուրդների որոշ ներկայացուցիչների հետ միասին) կառավարությանը զրկում էր նշանակալից սոցիալական հենարանից և մասսաների վրա արդյունավետ ներգործելու հնարավորությունից։ Այդ պատճառով էլ 1846 թ. դեկտեմբերի 6-ին օրենք ընդունվեց «Բեկերի, մելիքների և աղալարների հողային իրավունքների մասին», որով նրանք դառնում էին ժառանգական հողատերեր այն հողերի, որոնց նրանց ընտանիքները տիրում էին նախքան մահմեդական մարզերի միացումը։ Աղալարներին ու մելիքներին էին վերադարձվում 1841 թ. նրանցից խլված հողերը, իսկ դրանց վրա բնակվող գյուղացիները ճանաչվում էին պետական։ Խաները, բեկերն ու աղալարները ճանաչվում էին երկրամասի մահմեդական բարձր խավ, իսկ մելիքները՝ հայերի։ Այսպիսով, մինչև ռեֆորմը գոյություն ունեցած հարաբերությունները վերականգնվեցին, իշխանության սոցիալական բազան ընդլայնվեց։ Սեփականության իրավունքով և գյուղացիության հետ ֆեոդալների ունեցած փոխհարաբերություններով զրադվում էին Շամախու, Դերբենդի և Իրեկանի բեկական հանձնաժողովները։ Կատարվեց Վրաստանի, Իմերեթիայի և Գուրիայի բարձր խավի իշխանական ու ազնվականական տիտղոսների ստուգում⁵²։ Շարունակվում էր նախկին Կասպիական մարզում հարկային սխտեմի վերափոխման և վրացական եկեղեցու կալվածքները պետական գերատեսչությանը հանձնելու նախապատրաստությունը։ Ավելի սերտ դարձան իշխանության փոխհարաբերությունները հայ լուսավորչական և շիա հոգևորականության դեկավարների հետ⁵³։

Այսպիսով, 1840 թ. Անդրկովկասում քաղաքացիական կառավարում մըտցրնելը ինքնակալության կայսերական քաղաքականության նոր շրջան էր, սակայն ռեֆորմն անտեսում էր երկրամասի ժողովուրդների քաղաքացիության աստիճանը և ազգային առանձնահատկությունները, որը պայմանավորեց նրա սահմանափակ-առաջադիմական բնույթը։ Կովկասյան փոխարքայության կազմակերպման նպատակը երկրամասի ներսում կառավարչական ապարատի կենտրոնացումն էր։ Կրճատված կառավարումը, իրավական ապարատի անփոփոխությունը և սոցիալ-տնտեսական խնդիրների լուծման ժամանակ ժառանգականությունը վկայում էին Անդրկովկասը համապետական սխտեմով կառավարելու միտումը պահպանելու մասին։

⁵¹ Այստեղ, հավանական է, ներկայացվում են կամերալ ցուցակագրությունների ճշգրտված տեղեկությունները (Նույն տեղում, հ. 9, մաս 2, № 520, էջ 604, 605)։

⁵² ПСЗРИ, т. 21, отд. 2, № 20672; «Санктпетербургские сенатские ведомости», 2. 1. 1851.

⁵³ ЦГВИА, ф. 169, оп. 1, д. 4, л. 189—191; ЦГИА СССР, ф. 1268, он. 4, д. 252, с. 10—13.

ВОПРОС ОБ УПРАВЛЕНИИ ЗАКАВКАЗЬЕМ (1840-е годы)

ВАЛЕРИИ ТУНЯН

Резюме

Реформа по управлению Закавказьем от 10 апреля 1840 г. открыла новый период в имперской политике самодержавия в этой отдаленной окраине. Она затронула административно-территориальную, законодательно-судебную и финансовую стороны организации власти. Реформа предусматривала проведение соответствующих мероприятий в налоговой системе, в системе просвещения, в социальной и вероисповедальной сферах. Организация Кавказского наместничества в 1845 г. явилась результатом признания необходимости учета местных особенностей, а также централизации управленческого механизма внутри региона. Сокращение управленческого аппарата, неизменность правового статуса, преемственность в решении социально-экономических целей свидетельствуют о сохранении тенденции управления Закавказьем в общегосударственной системе.